

AKASHVANI AIZAWL

REGIONAL NEWS UNIT

REGIONAL NEWS BULLETIN



AMCECC

Mizoram CSS Employees Coordination Committee hruaitute chuan vawiin khan Adviser to Chief Minister Pu Lalmuanpuia Punte hmu in an harsatna tawhte a sawipui.

He hunah hian All Mizoram CSS Employees Coordination Committee hruaitute chuan an dinhmun leh an harsatna tawhte an sawifiah a, Mizoramah CSS hnuaia lak sawrkar hnathawk 10000 chuang an awm thu sawiin hun rei tak ata tawh an dinhmun tha zawka siam a nih theih nan an beih tawh thin thu an sawi a, sawrkarin inhawng taka indawr tawn theihna kawng a buatsaih sak chu lawmawm an tih sawiin, sawrkar chungah pawh beiseina sang tak an neih thu an sawi a ni.

Pu Lalmuanpuia Punte chuan Chief Minister-in CSS hnuaia hnathawkte a ngaih pawimawh thu sawiin an nawrhna sut turin All Mizoram CSS Employees Coordination Committee hruaitute a ngen a, an harsatna tawhte pawh Chief Minister a sawipui tur thu leh anmahni pawhin Chief Minister an hmuh theih hun remchang siam a nih tur thu a sawi a, an harsatna tawhte chinfel a nih theih nan nawrh an kalpui lai mek sut a dawhkan kila tha taka sawiho a pawimawh thu a sawi, All Mizoram CSS Employees Coordination Committee hruaitute pawhin sawrkarin an harsatnate a ngaih pawimawh sak a inbiakna hun a ruahman avanga lawmthu sawiin boruak tha tak hnuaiah an inkawm a ni.

Voicecast –

All Mizoram CSS Employees Co-ordination Committee te hian nimin piaah April ni 15 atang khan Pen down strike an kalpui tan a, vawiin hi Pendown Strike tawp ni tur niin AMCECC Pen down Strike hian nghawng a ngah hle a, Education depts hnuaia sikul 400 chuangah zirna kalpui theih a ni lova, Mid day meal naupang ten an dawng thei lo a, lehkhabu sem leh zirna kaihhnawih dang pawh engmah kalpui theih a ni lo a, Sawrkar office hrang hrang, CSS hnathawk te tam naah chuan hna mumal thawh theih a ni lo a ni.



MIGOSTU PROTEST

Mizoram sawrkar school zirtirtu inzawmkhawm chuan sawrkar hmasa in zirna hrang hrang dinhmun sang zawka a hlankai te tuna sawrkarin dan siamthat ngai leh fello chhuanlama a paih chu provincialised status ah dah let an phut an ti a, sawrkar laka lungawilohna hrang hrang tarlangin karleh April ni 21 atanga April ni 25 inkarah an hnathawhna hmunah badge dum an bel vek dawn tih an sawi.

Mizoram Govt. School Teachers Union (MIGOSTU) chuan sawrkar hmasa in dinhmun sang zawka zirna in a hlankaina provincialised status chu tun sawrkar Cabinet thukhawmin a hnawl bakah High School leh Middle School Headmaster kum tam tak lo thawk te zirtirtu pangaia an tlak theihna tur an rawn telh thar an ti a, heng Cabinet meeting in a rel te chu a rang thei ang bera ngaihtuah that leh ni se an duh tih sawiin Provincialised status ah dah let an duh tih an sawi.

MIGOSTU chuan a tehfung an hmanna ah thingtlang leh khawpui inang renga an siam chu diklo an tih thu sawiin thingtlanga school te tan kaisan ve theihna a awm tawh dawnlo nia an hriat avangin dan thar an siam chu sut leh vat turin an phut tih an sawi baw.



LADC BUDGET SESSION

Lai Autonomous District Council thutkhawm ni 3 awh chu vawiin khan Chairman Pu T. Zakunga kaihhruaina hnuai ah LADC Session Hall, Lawngtlai ah tan a ni.

LADC a ZPM Sorkar in Session a hmachhawn hmasa ber ah hian Chairman chuan Pannel of Chairman atan Pu JB. Vanhoy leh Pi Z. Ngunchhini te a ruat a, hemi hnu hian Chief Executive Member, Pu V.Zirsanga'n kum 2025-2026 LADC Budget House ah a pharh a ni.

CEM chuan kum kalta 2024-2025 ah Budget pangngai piahlam ah LADC in pawisa a hmuhbelh loh thu a sawi a, Budget thar chu Budget hmasa aiin cheng Nuai 1392 sing 3 sang 6-a a tam thu sawiin, State Sorkar leh Mizoram Finance Commission chungah lawmthu a sawi a ni.

CEM, Pu V. Zirsanga chuan Grant-In-Aid ah Cheng Nuai 25, sing 7 sang 5157 dah a ni a ti a, Village Council Remuneration Cheng Nuai 182 sing 5 dah ani tih sawiin Chhiah tlingkhawm atanga hmuhtur cheng Nuai 400 a awm a ti bawk.

CEM in Budget a pharh tak hi April 21 leh 22 khian House ah sawi ho a ni dawn a, Session tawpni tur a ruahman April 22, karleh Thawhlehni khian Deputy Chairman thlanna neih tum a ni a, hemi Ni vek hian LADC Budget 2025-2026 chu House ah pass tum a ni ang.

(Lalngjeta Ralte PTC Lawngtlai)



AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah thin a ni.

Zanin dar 6 leh a chanve-ah Chanchinthar hi puan leh a ni ang.



IMPORTED VEHICLES SEIZED

Transport Department hnuai a Enforcement duty te chuan nimin khan dan lova lirthei Mizoram lut thahnem tak an man a, heng zingah hian Kenbo 125 – pali, Super wave 135 - pakhat leh Dayang – pakhat a tel.

Transport Department chuan foreign siam lirthei te hi thla 3 chhungin a neituten an ngaihven thei tih sawiin thla thum ral hnuah erawh action lak theih a ni dawnlo a ti bawk.

Transport Department chuan dan lova ramchhunga lirthei lakluh chungchangah hian thuchhuah siamin tunlaiah Mizoram chhunga foreign siam lirthei chi hrang hrang lakluh hmuh tur a awm thin a ti a, engemaw zat an man tawh tih sawiin Foreign siam lirthei chu Ministry of Road Transport & Highways chuan India rama ziahluh theih dan felfai tak a siam tih sawiin dan hnuai a custom clearance felfai tak nen chauh lak luh hnuah register theih a ni a ti a, Mizoram chhunga foreign lirthei dan lova lakluh the chu dan hnuai a man theih an ni tih sawiin lirthei registration tel lova khalh chhuah chu Dan in a khap tlat ani an ti bawk.



UNION HM

Union Home Minister Amit Shah chuan vawiin khan Naxalism chu kum 2026 March ni 31 atang in ramchhung atanga nuaibo an ni dawn a ti a, hemi kawngah hian CRPF thalai te inpekna a pawimawh dawn tih a sawi.

He thu hi Madhya Pradesh-a CRPF foundation Day vawi 86 a hmanpuina ah sawiin Home Minister chuan ram tana nunna hlan mi huaisan Martar te chanchin chu hriatreng an ni dawn ati a, an chhungte hnen ah lawmthu sawiin Prime Minister Narendra Modi kaihhruai sawrkar chuan thalai huaisan te chu a ngaipawimawh hle ani a ti a, ram venhimna atana nunna chan martar te chu CRPF 2264 lai an thling tawh tih a sawi.

Home Minister chuan miu huaisan chawimawina gallantry awards hlanin martar te zahna a hlan a, He hun ah hian a Madhya Pradesh Chief Minister Dr Mohan Yadav leh CRPF Director General Gyanendra Pratap Singh te an tel a ni.

(NewsonAIR)

